



Inatsisartunut ilaasortaq  
Niels Thomsen  
Demokraatit

**Ilinniartut atugaat pillugit misissuineranut tunngatillugu § 36 tunngavigalugu  
apeqqummut nr. 2010-220-imut akissut**

Inatsisartut suleriaasianni § 36 imm. 1 tunngavigalugu 22. oktober 2010  
Naalakkersuisunut imaattunik apeqquteqaateqarputit.

1. Suna pissutaava, misissuinerup inerneranik Inatsisartut aatsaat 8. oktober  
Iisimatinneqarsimanerannut, naak Naalakkersuisut pineqartoq 17. aggustimili  
pigereeraluaraat?

2. Naalakkersuisunut nassuiaqquneqarpoq, Naalakkersuisut arlaannaannulluun-  
niit attuumassuteqanngitsut misissuitinneqarnerat qanoq paasinaat kiisalu  
Naalakkersuisut qanoq paasinaat suliami akuuneq. Nassuiaanerit taakku naa-  
pertorlugit Naalakkersuisut qinnuigineqarput naliilissagaat, Avalaap misissuina  
arlaannaannulluunniit attuumassuteqanngitsunit suliaanersoq kiisalu Avalak  
suliamut akuunersoq. Tassunga ilanngullugu Naalakkersuisut qinnuigineqarput  
nassuiaassagaat, suliamut akuusup pineqartoq pillugu misissuitinneqarpat suut  
iluaqtissarsissutigineqassanersut?

3. UPA 2010-mi Kulturimut, Ilinniartitaanermut, Iisimatusarnermut aamma Ilagee-  
qarnermut Ataatsimiititaliap immikkoortoq 156-mut isumaliutissiissutaani ilaatigut  
allassimavoq:

*"Kalaallit ilinniagaqartut misilittagaat Danmarkimeersuinnaangitsunik kisiannili  
aamma Islandimeersunik Norgemeersunillu aammali pissusissamisuussappat  
nunanit allaneersunik Naalakkersuisut ilannguteqqullugit Ataatsimiititaliamiit  
kaammattorneqarput. Ilanngulluguttaaq Danmarkimi kalaallit ilinniagaqartut dans-  
kit tapiissutaannik SU-mik pisartagaqalernissaat kalaallit ilinniagaqarneriutaan-  
nik annaasaqaatiginngikkaluarlugu immikkut aqqissuussiffigineqarnissaat Naa-  
lakkersuisunut immikkut kaammattuutigineqassaq. Uani Ataatsimiititaliamit immi-  
kkut eqqarsaatigineqarpoq ukiumoortumik sulinnigiffeqarluni angalasarnerit."*

Naalakkersuisut, isumaqarpat Avalaap ilinniartut atungaannik misissuisimane-  
qulaani isumaliutissiissummi issuarneqartumut naapertuuttoq?

Taamaangippat Naalakkersuisut qinnuigineqarput nassuissagaat, sooq Inatsi-  
sartuni ataatsimiititaliap kaammattuutai tusaanngitsuusaarneqarsimanersut?

4. Naalakkersuisut isumaqarpat Inatsisartut aalajangernerata malitseqartinneqar-  
nissaa pingaaaruteqartoq taamaasillutillu isumagalugu ingerlatsiviup akisussaa-

1. november 2010  
Sagsnr. 2010-024961  
Dok. Nr. 494352

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [kiin@nanoq.gl](mailto:kiin@nanoq.gl)  
[www.nanoq.gl](http://www.nanoq.gl)

**sup arlaannaannulluunniit attuumassuteqanngitsumik misissuittisinissaa – soorlu aallaqqaammulli eqqarsaatigineqartut?**

**Taamaassimappat paaserusuppara, Inatsisartut misissuinerup inernera pisinnaassaneraat, 2011-mi upernaakkut ataatsimiinnissaq sioqqulluarlugu, pineqartoq ataatsimiinnissami suliarineqarsinnaaqqullugu – naak ukiup affaanik kingusinaar-toqalaareeraluartoq?**

**Apeqqummut 1-imut akissut:**

Ilumoorpoq Avalak-p "Kalaallit ilinniartut atugaasigut aningaasatigullu atugaasigut Danmarkimi Kalaallit-nunaannilu Misissuineq" ulloq 17. august 2010 nassiunniuummagu. Ulloq 23. august 2010 ilinniarnersiutitigut immikkoortortaqaqfiup Avalak-miit nalunaarusiap ilinniartut atugaat pillugit Kalaallit Illuini ilinniarnikkut siunnersortinik oqaloqateqarnissami ulloq 16. september aallaavissatut atornissaanut akuersissut tiguua, tassanilu Avalak neqeroorfigineqarpoq nalunaarusiamik saqqummiusseqqullugu.

Ulloq 14. september 2010 Avalak-p allaffiani ilinniarnersiutitigut immikkoortortaqaqfiup kiisalu Avalak-p ataatsimeeqatigiinneranni Avalak-p allaffiani København-imiittumi ingerlanneqartumi nalunaarusiaq ingerlariaqqinnissarlu oqallisigineqarpoq. Ataatsimiinnermi tassani aalajangiunneqarpoq, Avalak-p nalunaarusiaq Naalakkersuisunut Inatsisartunullu saqqummiutissagaa.

Avalak-p misissuinerup inernerinik nammineerluni Naalakkersuisunut Inatsisartunullu saqqumiussinissaanut alajangermut tunngavigineqarpoq Avalak-p namminneerluni misissuineq aallartinnikuummagu taamaammallu nammineerluni Inatsisartunut saqqumiussinissaat pissusissamisoortutut isigineqarluni, taakkuami Naalakkersuisut ilinniartut atugaannik misissuinnissaannik suliakersimammatigit.

Avalak-p angalanissaa Avalak-p siulersuisunit suleqateqarnikkut aqqissuunneqarpoq, Nuummullu angalanissaat ukiaanerani atuannigiffeqarnermi ingerlanneqartussanngorlugu. Tamakkua tunngavigalugit nalunaarusiaq 8. oktober 2010 saqqummiunneqarpoq.

**Apeqqummut 2-mut akissut:**

Aallarniutigalugu erseqqissaatigineqassaaq misissuinerup ingerlatsineq sulianik ingerlatsinerup inatsit aallaavigalugu ingerlanneqarnikuunngimmat.

Naalakkersuisut ilisimavaat nalinginnaasumik arlaannaannulluunniit attuumassuteqanngitsumik misissuinerup ingerlatsinissamik piumasaqarnerni pissutsit misissuinerup attuumassuteqartut soqutigisaasa aporaassinnaanissaat pinngitsoorniarlugu, tassa tamakkua pissutigalugit suliamik aalajangiinialernerup tamakkunuunatigut qulalersinnaanissaq pinngitsoorniarlugu. Tamakkua ilaatigut matumani sulianik ingerlatsinerup inatsimmi § 3-mi, tassa suliamut ingerlanneqartumut attuumassuteqarnermut tunngasoq eqqarsaatigineqarpoq. Naluneqanngitsut inatsit taanna taamaallaat ingerlatsinikkut aalajangiisoqassatillugu atuuppoq.

Suliamut attuumassuteqartumik taaneqartartunut apeqqummut tunngatillugu attuumassuteqartut nalilernerqartoq tassaavoq suliap aalajangiiffigineqarneranut soqutigisaqarfoq. Tamatumunnga atatillugu oqariartaatsip tamatuma inatsimmi tassani nalilernissaa eqqarsaatigineqarsinnaavoq. Kisiannili inatsimmi attuumassuteqartup qanoq paasineqarnissaa nassuiarneqanngilaq, naak suliamut attuumassuteqartut inatsit taanna kisiat tun-

ngavigalugu ingerlatsinikkut attuumassuteqartut aalajangiiffigineqartaraluartut. Tamakua tunngavigalugit misissuinermit ingerlatsisimaneq suliamik ingerlatsinermi inat-simmut attuumassuteqartut isigineqanngilaq, taamaattumillu Avalak suliamut attuumassuteqartut isigineqarsinnaanani.

Misissuinermit suliaqarnerup ingerlanneqarneranut tunngatillugu ilisimatitsissutigineqassaaq Ilinniarnersiutitik Ingerlatsiviup Nuummiittup (USF) ilaatigut Avalak-mik oqaloqateqarneranut atatillugu ilisimatitsissutigineqarpoq kalaallit ilinniartut atugaat pillugit missuinissamik ingerlatsinissamik aalajangigassatut siunnersuuteqarnernut tunngavigineqartoq missuineq kalaallit ilinniartut peqatigiiffi qanimut suleqatigalugit isumasioqatigalugillu ingerlanneqarnissaanut atatillugu ilinniarnersiutitik Ingerlatsiviup paasisimagaa Avalak-p siulersuisuisa siusinnerusukkullu aalajangersimagaa misissuinermit taamaattumik ingerlatsinissaq.

Tamatumunngalu atatillugu aammattaaq Ilinniarnersiutitik ingerlatsiviup paasivaa Avalak-p misissuisimaneq kiisalu misissuineq ingerlanniarneqartoq assigiittorujussuusut. Misissuinerup ingerlanniarneqartup isikkuussaa kiisalu apeqquteqaatit amerlassusissaat oqaatigilluaannarlugu Ilinniarnersiutitik Ingerlatsiviup ingerlanniagaanut assingulluinnarput. Tamatumunngalu atatillugu eqqarsaatersuutigineqarpoq misissuinissaq Avalak-p misissuisimaneqarneranut assingusooq suliaqqissallugu sulilussinnarnerussasoq, kiisalu misissuinerit assigiit atorlugit pissarsiasat pitsaasusaannut ajoqutaaginnassasoq. Taamaattumillu isumaqatigiissutigineqarpoq Ilinniarnersiutitik ingerlatsivik Avalak-p misissuineranut ilanngutissasoq, kiisalu kallallit ilinniartut peqatigiiffi allat marluk ilanngunneqassasut. Suliaq nangillugu Ilinniarnersiutitik Ingerlatsiviup apeqqutit tamaasa misissorpai akuersissutigalugillu. Tamakua tunuliaqutaralugit Naalakkersuisut isumaqarput misissuinermit eqqarsaatigisassat avataaneersut ilaatinneqanngitsut.

Misissuinermit ilusilerneqarnera pillugu qimerluuinermit iluaqutaasinnaasunut tunngatillugu apeqqutitut tunngatillugu oqaatigineqassaaq nukinnik atueqqinnissap piingitsoortinneqanerata saniatigut iluaqutissartaa tassa apeqqutini oqaatsit atornerqartut tassaamata ilinniartut ulluinnarni atugaannik ersersitsisut, tassami Avalak taakkununga ilaavoq. Kiisalu misissuinerup ingerlanneqarnerani kalaallit ilinniartut peqatigiiffi qanimut suleqatigalugit isumasioqatigalugillu suliarineqarnissaanik piumasaqarneq taamaaliornikkuttaaq malinneqarmat.

#### **Apeqqummut 3-mut akissut:**

Misissuinermit inernerisat kiisalu KIIN-ip suliai taamatullu siusinnerusukkut ilinniartut peqatigiiffinik ataatsimeeqateqartarnerit kiisalu ilinniartut atugaannut tunngatillugu ilisimasat allat, minnerunngitsumillu isumaliutissiisummi siunnersuutigineqartut siumullu isigisumik aalajangiunneqartut ilinniarnersiutit pillugit Inatsisartut inatsisissaannik nutaamik pilersitsinissamut ilanngullugit eqqarsaatigineqarput, naatsorsuutigineqarporlu inatsisissaq Inatsisartut 2011-imi upernaakkut ataatsimiinnissaannut saqqummunnegassasoq, kiisalu nalunaarutissatut siunnersuummi, manna nangillugu suliarineqartussamut ilaatinneqassasut.

#### **Apeqqummut 4-mut akissut:**

Apeqqummut akissuteqqat apeqqummut 2 akissuteqaammut attuumassuteqarpoq, tassami Avalak-p misissuinermit ilanngunneqarnera imatut paasisariaqanngilaq misissuinerup ineneri naammaginangitsuusut, kiisalu Naalakkersuisut misissuinermit apeqqu-tit

uppernassusiannut tunngatillugu uparuagassaqaratik. Misissuinerup takutipaa pissutsit ersarissut sammisanut tassunga misissuinermik nutaamilluunnit ingerlatsisoqaraluarpat allannguuteqarnissaannik ilimananngitsut. Taamaattumillu misissuinermik nutaamik ingerlatsisoqarnissaa eqqarsaatigineqanngilaq. Matumunngali ilanngullugu oqaatigineqassaaq København-imi Kalaallit illuat misissuinermut nunani allani ilinniartunut tunngatillugu peqataatinnegarnissamik kissaateqarnikummat, tassami Kalaallit Illuata kalaallit Kalaallit-nunaata avataani Danmark-imilu ilinniartut ilinniarnersiutaannik ingerlatsisuu-voq. Tamatumani misissuineq suli ingerlanneqarpoq, naatsorsuutigineqarlunilu misissui-nerup inerneru Inatsisartut 2011-imi upernaakkut ataatsimiinnissat ima sioqqutsigalugu pissarsiarineqarsinnaassasut ataatsimiinnissamat ilanngunneqarsinnaassallutik

Inussiarnersumik inuulluaqqusilluta



Mimi Karlsen